

dy von uns czu lehen gen, vor eyn schok und vor 9 gr, dy in den juden gestanden haben von allir manne fasnacht bis da her und hat auch darczu globt vor schadem. Actum anno domini M° CCC° LXXVII° feria quinta ante Bonifacii.

33.

1377 Juli 18

Petzolt Elsner verkauft ein Stück Acker.

fol. 5v Wisset daz Peczolt Elczener hat vorkauft Heinrich von Wyda eyn stücke ackers, daz da gelegin ist gensit der bracken oberwendig Kirtschers acker und von dem rate czu lehen get, und hat ym den acker vorkauft und ufgelassen vor uns czu eyme rechten erbe. Actum anno domini et supra sabbato post alle 12.

34.

1377 November 24

Herman Bruckener und sein Schwager verkaufen ihr Erbe.

fol. 5v-6r Wisset das Herman Bruckener und Frenczel, sin swager, dy haben beide mit guten willen Peter Gerharte und sin erben alles ir erbe, daz si von Mertin von Plawen, des sele Got habe, anirstorben was, vorkauft czu eyme rechten erbe und si haben ym das erbe ufgelazen vor uns in vollen rate und haben sich des vorczigen, also daz si und ir erben keynerleye recht vorbringe noch ansprache daran nymmer mer gehabe wollen noch \ in sullen. Und das erbe ist gelegen in den lehen kein Mergintal und von dem rate czu lehen get. Actum anno domini M° CCC° LXXVII° in vigilia Katharina beate virginis.

35.

1378 Januar 12

Hennel Mergintal und Hennel Linberger verkaufen Teile einer ererbten Wiese.

fol. 6r Wisset das Hennel^{a)} Mergintal unde Hennel Linberger haben vorkauft Hennel Vrowenrut czweyteil an der wisen, dy si von Hennel Petiche an gestorben^{b)} ist, czu eyme rechten erben, dy do gelegin ist by Pelewiczter Holcze unde dy von dem rate czu lehen get. Actum anno domini M° CCC° LXXVIII° dominica die ante epiphania Domini.

a) folgt durchgestrichen Stengel b) folgt durchgestrichen was